



**Historia De Vita, Moribvs, Rebvs Gestis, Stvdiis Ac
Denique morte Praedicantium Lutheranorum, Doct.
Martini Lvtheri, Philippi Melanchthonis, Matthiae Flacii
Illyrici, Georgii Maioris, et Andreae ...**

Complectens ortum, progressum [et] incrementa, tum arcana plurima
hactenus non prodita, omnium penè huius temporis haeresum

... Vita ... Philippi Melanchthonis. Matthiae Flacii Illyrici. Georgii Maioris, Et
Andreae Osiandri

Ulenberg, Kaspar

Coloniae Agrippinae, 1622

Capvt XXIV.

[urn:nbn:de:hbz:466:1-65643](#)

ANNO
1559.
Melanch-
thon tota
Academiæ
Witten-
berg. in
Flacium
concitat.
Eius scri-
ptum ma-
ledicu-

Melanchthon, qui Flacium huius consilij au-
torem fuisse nouerat, vt illatam contume-
liam insigniter vindicaret, in caput illius
vniuersum Academiæ VVittenbergensis gre-
gem scholasticum concitauit, cuius nomine
scriptum quoddam anno 1559. diuulgatum
prodijt, adeo virulentum & maledicuum, vt
in hoc genere post Lutheri scripta nihil ma-
gis asperum, ac venenatum in lucem prodi-
sse videatur.

CAPVT XXIV.

- I. *Noua hæresis Lutheran. Hamburgi per AE-
pinum excitata.*
- II. *Palatinatus calicinizat autore Melanch-
thonne Lipsiam ad examen alumnorum e-
uocato.*
- III. *Melanchton febri correptus.*
- IV. *Decumbens grauiter de varijs fermocinatur.*
- V. *Mors eius, sepultura & orationes in funere
habita.*

Hæresis
Lutheranorū Ham-
burgi.

Dogma Io.
Æpini de
Christi de-
censu ad
inferos.

SV B hoc tempus Hamburgi nouum in-
ter Lutheranos certamen exarsit, de de-
scensu Christi ad inferos; quod eosque
studio dissidentium incruduit, vt Senatus
istius urbis academiam VVittenbergensem
putarit super hac controuersia consulendā.
Erat Hamburgensis Ecclesiæ Lutherano ri-
tu Superintendens Ioannes AEpinus, qui
Christum asserebat nō modo descendisse ad
inferos, sed & pñas ac tormenta damna-
torum

torum istic in anima sustinuisse. Huic plerique se concionatores opposuerunt, qui dogma illud, velut horrendam blasphemiam detestabantur. Cumque res magno animorum ardore ageretur, Consules & Senatus negotio componendo manum admouerunt, conditis quibusdam aphorismis, vel articulis de hoc argumento, quos velut normam credendi concionatoribus proponedos censuerunt, eorumque sententiam inquirēdam. Ne quid autem inconsultō facere viderentur, datis ad VVittenbergenses litteris tria quædam ad deliberandum proposuerunt : Primum Tria capi- fuit, An Theologi probandam censemant in- choatam agendi rationem in proponendis articulis ? Alterum, quæ sit ipsorum senten- tia de dogmate controverso? Tertium, Si qui forsan institutam inquisitionem defugiant, quid in eos sit statuendum? aut quid aliud a- gendum in hoc negotio videatur.

Respondit Vniuersitatis nomine Melāch-
thon in hanc ferè sentētiam: Pertinere pror-
sus ad curam senatus, vt Ecclesia recte do-
ceatur, & ne disidia ferantur. Ideoque piè
recteque factum, quod instituta sit de resti-
tuenda concordia deliberatio. Interim opta-
re se dicunt, non tam multos esse propositos
articulos, quorum nōnulli, si agitantur, ma-
gnas sint disputationes parituri. Ad contro-
uersiam ipsam quod spectet, expectare se
sententiam aliorum, ad quos de ea scrip-
fient, scilicet vt collatis iudicijs certum quid

ANNO

1559.

Aphorismi
Hambur-
gensium.Eorum ad
Wittēber-
genses lit-
teræ.Tria capi-
ta delibe-
rationis.P. 491.
Witten-
bergensiū
respōsio ad
primum
caput.Ad secūn-
dum caput
de dogma-
te contro-
uerso.

ANNO
1559.

Lutheri
sententia
de descen-
su Christi
ad inferos.

respondere possint; ne postea diuersitas opinionum dissidium inflammaret. Lutherum cunctanter ad hunc articulum explicandum accessisse; quem tantum ad Christi victoriā accommodarit. Interim dolores inferorum, de quibus psalmi loquuntur, non restringendos esse tantum ad tempus post animæ separationem: Quosdam etiam in hac vita degustare sensum iræ diuinæ: Qui dolor singularis in filio Dei fuerit, & maior quam in vllis vnquam sanctis; cum integrè magnitudinē iræ Dei aduersus nostra peccata senserit tuleritque; nec illius doloris magnitudinē ab hominibus aut angelis comprehēdi posse, vel sustineri. Demum consilij sui summam explicant in hunc ferè modum: Cum constet, dissensionem tantum esse de cruciatibus animæ Christi post separationem à corpore, rogare se, dicunt, ne deinceps inquisitio particularis ad conscriptos articulos vrgeatur, vel occasio quæratur alterutros ejiciendi. Censuisse Lutherum, quæstionem hanc de pœnis animæ Christi post mortem non esse mouendam. Itaq; mandandum utriq; parti, vt expectent aliorum etiam iudicia, ac interea in concionib; in scholis, aut alijs publicis congressibus omittant mentionem huius quæstionis in vtraq; parte. Interim non aboleri articulum de descensu Christi ad inferos; sed omitti tantum inquisitionem eius particulæ, de animæ Christi separatæ cruciatibus apud inferos: de qua Lutherus non inqui-

inquirendum iudicarit. Hæc Melanchthon. ANNO

Initio huius eiusdem anni 1559. ad 12. Feb. 1559.

obijt Otto Henricus Elector Palatinus, Mors Ot^o
qui Fridericum Tertium decimo gradu ag- thonis Hé-
natum in Electoratu successorē habuit. At- rici Palati-
que hic non diu post exploso Lutheranismo Frider. III.
Caluinismum in Palatinatū induxit: Quod succedit,

imprimis Melanchthonis culpa cōsilioq; fa-
ctum Lutherani quiritantur. Ea verò res ad

hūc modū gesta est. Irrepserant sub Otthono Caluinistæ
Henrico Caluinistæ quidā, vel Sacramētarię in Palati-
factionis homines in Academiā Heidelber- natum ir-
gensem; inter quos primi nominis fuerūt Pe- repunt.

trus Boquinus, & Gulielmus Clebitius. Hi cū Palatini ad
proderent Sacramētarium Spiritum, ab Hei- Melancht.
husio cæterisq; Lutheranis reprehensi atque litteræ de
oppugnati fuerunt. Vnde certamen exarsit controuer-
sia.

nouum Electorem vehementer sollicitum
habuit. Igitur ut sedaret motus istos, litte- Sur. in comp.
ras dedit ad Melanchthonem, eiusque iudi- pag. 539.
cium de hac cōtrouersia, & quomodo com-
ponendum sit disfidium, exquisiuit; vnaque
scriptam Heshusij Clebitijq; confessionem
de cœna Domini transmisit.

Melanchthon eum in modum respondit, Melancht.
vt Sacramentarijs potius, quam Lutheranis pro Calui-
addictum sese non obscuris indicis ostendisti re-
deret. Lutheri sententiam de Euchari- spondet.
stia iampridem animo repudiauerat, & Peuc. apud
secretò transfugerat ad castra Sacramen- Reut. nar-
tariorum, quos anno 1530. in Augusta- rat. de Mel.
na Con. pag. 33.

ANNO

1559.

Sacramen-
tarium vi-
rus prodit.Flacianos
odio ha-
bet.Palatinum
in eosdem
concitat.Melancht.
causā dat
hæresi Cal-
uinianæ in
Palatina-
tu.

na Confessione verbis expressis anathemate notarat. Itaque totus nunc eam in partem inclinavit, & in hac epistola satis apertè prodidit Sacramentarium virus, quod multis annis publica Lutheranismi professione ve latū occultauerat. Iam verò & Heshusium, cæterosque Lutheranos, qui Heidelbergæ cum Sacramentarijs dimicabant, vehementer oderat, quod de grege Flacianorum es sent; à quibus per annos decem continuos & amplius, petulanter fese, & acerbè summa que cum cōtumelia meminerat exagitatum.

Hanc igitur iniuriam vindicandæ nactus occasiōnem, in Flacianos cōcitatuit principem, qui consilium illius fecutus, Heshusium & Clebitium, vtriusque factionis capita loco mouit, & Caluinistas deinde fouendos suscepit. Ita Melanchthon iam morti vicinus (nam paucis mensibus superuixit) vnis litteris insignem hanc Germaniæ prouinciam ab Augustana Confessione diuulsit, eamque Sacramentarijs dedit occupandam. Nam Elec tor princeps ipsius autoritate permotus, homines istius factionis in academiam Heidelbergensem inseruit; ex qua deinde contagio hæc post Melanchthonis obitum, in Palatini ditiones omnes dimanauit, Lutherani frustrâ calcitrantibus, qui non dubitanter asserunt, sanguinem eorum, qui hausto Sacramentiorum veneno in Palatinatu perirent, de Melanchthonis manibus in die iudicij requirendum.

Agebat

Agebat Melanchthon cum ad Palatinum scriberet, annum ætatis sexagesimum tertium, quem vulgo climaætericum appellant. Hunc cum paulò post, anno sequente scilicet 1560. 16. Februarij compleuisset, iamque pericula climacteris istius omnium in vita periculo- fissimi superasse videretur, attenuari dein- ceps corpus, & vires paulatim deficere cœ- perunt. Exeunte Martio, mandatu principis Electoris Lipsiam euocatus fuit ad examen alumnorum, quos in Vniuersitate susten- bat Princeps. Huic examini Melanchthon ab annis aliquot præesse consueuerat: Itaque VVittenberga profectus trigesimo Martij venit Lipsiam, & negotium sibi commissum vnâ cum alijs de more peregit. Quanquam verò tenui iam erat valetudine, cùm iter ingrederetur, paulo debilior tamen ad suos redijt, quam exierat; idque ex aëris intemperie forsitan, & vectatione, quæ solito illi moleftior accidit.

Redijt verò VVittenbergam Aprilis die quinto, & biduo post ad languorem accessit febris tertiana, vel hemitritæa potius, vt postea deprehensum est, cuius septimo paroxismo tandem ad 19. Aprilis extinctus fuit. Ab initio morbi mortem illi præsagiuit animus, quemadmodum Lutherani commemo- rant; Imprimis eum terruit eclypsis in æqui- noctio istius anni; tum Saturni Martisque menta Me- coniunctio, quam imminere nouerat, de qua lanchth, sequentibus diebus frequenter loquebatur, stultè

ANNO

1560.

Ann. 1560.
Annus 63.
climaæteri-
cus.In Narrat.
VVitt. de
obitu Phi-
lippi c. 1.Melancht.
Lipsiā euo-
catur ad
examen a-
lumnorū.III.
VVitten-
bergam re-
dit, vbi ter-
tiana febri
laborat.

ANNO
1559.

Sterilitatē
præomi-
natur.]

A Flacianis
vexatur.

Verba eius
in lectione
vltima quā
VVitten-
bergæ ha-
buit.

Tria quæ-
dam suis
filiis preca-
tur.

In Narrat.
VVitt.de
ob. Phil.
B.iiy. b.

stultè facere dictitans , qui eam contemne-
rent. Quanquā huiusmodi coniunctiones nō
tam corporibus , quam rebus communibus
portendere quippiam iudicabat. Itaq; steri-
litatē ex his signis ominabatur , & autor
erat Academiæ , vt ad necessarios suorum v-
sus frumentum coēmeret : Quod ex ipsius
consilio factum est. Iam & de Flacianorum
turbulentis consilijs,& machinationibus ve-
hementer erat sollicitus,& crebros sermones
habebat. Eos enim nouerat magnis clamori-
bus adhuc vrgere Synodum, à qua Melanch-
thon, vti diximus, totus abhorrebat; Huius
igitur rei cogitatio sollicitum eum habuit:
cumq; sub initium morbi litteras exararet
ad amicum quendam in littore Baltico , in-
ter cætera, se fortassis eripiendum ait ex Sy-
nodo Lystricâ , quam Flaciani moliantur.

Quanquam verò languor indies augebatur,
professionem tamen publicam intermitte-
re noluit, licet omnes quietem illi suade-
rent. In lectione , quam nono die ante mor-
tem habuit, cùm verba quædam Ioannis ex-
plicaret, Christum ait , tria quædam preca-
tum, vt Ecclesia conseruetur in mundo; de-
inde vt eadem sit vna , concors nimirum &
consentiens; demum, vt in ea quidam electi
sint & saluentur. Quæ eadem patrem suum,
aiebat, meditatum fuisse , cùm decumberet,
triduò ante mortem. Subiecit cōtinuo: Hæc
tria vota , moriturus ego etiam meis liberis,
& filiolis relinquam , vt sint in ecclesia;

Deumq;

Deumque recte inuocent ; vt sint vnum in ANNO
ipso & concordes , vt sint hæredes vitæ æ- 1559.
ternæ.

Hæc Melanchthon vndecima Aprilis in
lectione: nec ineptè quidem , si Ecclesiæ no-
mine non aliquam ex factionibus nuper ex-
ortis intelligas , sed Ecclesiam quam ædifi-
cauit Christus propagandam toto terrarum
orbe , nec vnquam interituram : de qua pa-
rens Melanchthonis iam moriturus procul- Melancht:
dubio locutus fuit , qui cum Catholicus es. Pater Ca-
set, anno 1508. quemadmodum initio di- tholicus:
ximus , peste sublatuſ ad Dominum migra-
uit. Paulò post Ioachimus Camerarius , quod Visitatur à
nullum inter amicos chariorem habuit , de Camerar.
Melanchthonis inualetudine per amicos ad-
monitus , VVittenbergam aduolauit pridię
sacri Pascatis ; quod festum hoc anno in de-
cimumquartum Aprilis diem incidit. Fuit
illi longè gratissimus Camerarij aduentus ,
quem usque ad decimumseptimum Aprilis
apud se detinuit ; atque interim suauiter
cum illo contulit de rebus multis : Cum-
que meliusculè iam habere videretur , deci-
moseptimo Aprilis Camerarius discessit , re-
diturus quamprimum per occupationes li-
ceret.

At Melanchthon non expectato ipsius re-
ditu , decimonono Aprilis paulò ante se- In septimū
ptimam vespertinam in septimo paroxiſ- paroxismū
mo vitam cum morte commutauit. Pri- cadit.
die quam moreretur , cùm circa nonam
matu-

ANNO**1560.**

Iudicium
Peuceri
generi de
morbo ex-
quirit.
Eius respō-
sum.

Testamētū
instituere
conatur.

Peucer. ubi
supr. à pag.
43. ad 49.

Capillos
sibi præcidi
iubet,

Indusia &
pileum
mutat.

matutinam Peucerum generum videret astantem, qui professione medicus erat, iudicium eius de morbo, tum quid spei haberet, exquisiuit; hortatus, ut liberè proderet sententiam suam, nec quicquam dissimularet. Respondet ille, non abesse periculum, si causæ physicæ considerentur: Imbecillitatem esse magnam, quæ & in momenta augeatur. Hoc sermone permotus de condendo testamento, rebusq; suis disponendis cogitationem suscepit. Cäperat in hoc genere iampridem commentari quipiam, & pagellas aliquot conscriptas reposuerat, in quibus non longè tamen progressus erat; Eas nunc ad se deferri postulat, ut cœptum opus absoluere. Et quæsitæ quidem fuerunt diligenter in omnibus Musæi scrinijs: verum cū non inuenirentur, orta fuit suspicio sublatas esse pagellas istas ab homine curioso: quod illi non raro in alijs etiam rebus acciderat: Itaque nouum scribere testamentum exorsus est; quod tamen ob virium defectionem absoluere non potuit. Tandem 19. April. hora 6. matutina, cùm septimus morbi paroxismus immineret, capillos sibi præcidi voluit, qui paulo longiores videbantur. Eam ad rem Peuceri generi ministerio uti cōsueverat, quem rogauit, ut comam præcideret. Deinde & induſia mutauit, quæ à multis annis triplicia gestauerat, ita ut aliud alio superindueret. Pileum quoque nocturnum mundum imponi sibi iussit, eumque in modum tonsus,

tonsus , comptusque & ornatus varijs de re- ANNO
bus sermones cum suis habuit : Imprimis 1560.
verò sœdam ecclesiæ Lutheranæ distractio-
nem deplorauit; quod ipsum iam antea quo-
que frequenter fecerat durante morbo , pe-
tulantiam eorum malitiamque detestatus,
quorum culpa dissensiones exarserant. Atq; da Luthe-
hoc sermone Fiacianos notabat , quos die- ranismi
bus superioribus grauiter excandescens ho- diuulsiō-
mines nequam appellarat , cùm distractio- ne.
num inferrent causas & his malis , quæ iam
inuexerant , tetrica quotidie moliren-
tur.

Verum vt reuertamur , ad 19. Aprilis , Extraneos
adstabant horis matutinis extranei quidam, rogat ad
quos abitum parantes rogabat , vt prandē prandium.
rent secum , futurum afferens , vt ad gu-
standum quippiam præsentia ipsorum &
sermonibus inuitaretur. Et condixerunt
isti quidem prandium : at Melanchtho-
nem tantus languor corripuit , vt sub id Animi de-
tempus , quo septimus paroxismus immi- liquum.
nebat , animi deliquium pateretur ; ex quo patitur.
cum restitutus esset , atque nonnihil re-
creatus , quieuit paululum. Deinde char-
tas ad se deferri postulat , in quibus de Testamētū
testamento suo nonnihil fuerat machina- conatur
tus. Sed ea virium erat imbecillitas , vt ab absolue^e
opere fuerit desistendum. sed frustra^s

Ego , inquit , festinatione excludor ; “
insinuans se præter expectationem morte ”

370 VITA ET RES GESTAE

**ANNO
1560.**

IV.

**Spiritum
exhalat.**

Cam. p. 380

Sur. in com.

p. 540.

Narrat.

VVit. H. iij.

Cōsil. Theo-

log. p. 790.

791. 792.

Eius funus

magnificū.

præueniri, quo minus cœptum opus perficeret.

Fuit hoc circa decimam antemeridianam; cumque morbus perpetuò ingrauesceret, tandem sub vespertinam septimam extremum spiritum exhalauit. Vniuersitas scriptis eodem vespere litteris Electorem Augustum de Melanchthonis obitu fecit certiorem; cuius mandatu corpus exanime plumbeo sarcophago fuit inclusum, addito breui scripto, quod historiam defuncti & vitæ cursum succinctè complectebatur. Funus vigesimoprimo Aprilis elatum est insigni cum pompa, qualem à sepultura Lutheri VVittenberga non vidit. Deleti quidam ex professoribus Collegij Philosophici, qui thalaribus induiti lugentium more tumbam ad Ecclesiam parochialem deportarunt. Ibi cantatis Luthe- rano ritu nænijs, Paulus Eberus eiusdem ri funebris Ecclesiæ pastor Concionem ad populum de eo Con- habuit.

cio,

Postea delatum est funus ad templum Omnia Sanctorum, quod arci Principis contiguum est; vbi tumba ad sepulcrum deposita, Vitus Ortelius Medicinae Doctor, & græcarum litterarum professor, oratione Latina Melanchthoni parentauit. Cùm perorasset Ortelius, tumba in sepulcrum demissa fuit, haud procul ab eo loco vbi Lutheri corpus ante annos quin-

**Item Orte-
lij Oratio.**

**Terræ mā-
datur.**

quinque fuerat collocatum. Post obitum ANNO
Melanchthonis, quemadmodum Flaciani 1560.
lacerandis defuncti manibus, ita Melanch- Narrat.
thonici laudibus ipsius decantandis satura- VVittenb.
ri vix potuerunt. Et quia permisum istis I. 4. ij.
non fuit, ut in Synodo viuentem anathe- viuus mo^r
mate configerent, quod imprimis habe- tuusq; Fla-
bant in votis; mortuum persequi, velut cianorum
hostem doctrinæ purioris & euangelij conuitijs
desertorem, vibrato condemnata expositus.
tionis fulmine, non de-
stiterunt.

Finis vita & rerum Gestarum Philippi
Melanchthonis.